

ქედის მუნიციპალიტეტის საკრებულოს
სოციალურ საკითხთა კომისიის სხდომის
ოქმი N6

დაბა ქედა

26 ივნისი, 2024 წელი.

სხდომა დაიწყო 16:30 საათზე.
სხდომა დამთავრდა 17:00 საათზე.

სხდომას თავმჯდომარეობდა ოთარ ხარაძე - ქედის მუნიციპალიტეტის საკრებულოს სოციალურ საკითხთა კომისიის თავმჯდომარე.

სხდომას ესწრებოდნენ:

ლევან ვერძაძე - კომისიის წევრი;
მარინა ბარამიძე - კომისიის წევრი;
არჩილ გორგილაძე - კომისიის წევრი;
მერაბ ნაკაშიძე - კომისიის წევრი;

სხდომას არ ესწრებოდნენ:

ჯემალ დავითაძე - კომისიის წევრი;
მინდია არძენაძე - კომისიის წევრი;
შორენა კარანაძე - კომისიის წევრი.

სხდომას ასევე ესწრებოდნენ:






საკრებულოს აპარატის უფროსი - მუხრან სალაძე;

ქედის მუნიციპალიტეტის საკრებულოს კომისიებთან და საზოგადოებასთან ურთიერთობის განყოფილების უფროსი - ციური ზაქარაძე;

ქედის მუნიციპალიტეტის საკრებულოს აპარატის პირველი კატეგორიის უფროსი სპეციალისტი კომისიებთან ურთიერთობის საკითხებში - ნანა ბერიძე.

ქედის მუნიციპალიტეტის საკრებულოს სოციალურ საკითხთა კომისიის წევრთა
სარეგისტრაციო ფურცელი

26.06.2024 წელი

№	სახელი, გვარი	თანამდებობა	ხელმოწერა
1	ოთარ ხარაძე	კომისიის თავმჯდომარე	
2	ლევან ვერძაძე	კომისიის წევრი	
3	არჩილ გორგილაძე	კომისიის წევრი	
4	მარინა ბარამიძე	კომისიის წევრი	
5	მერაბ ნაკაშიძე	კომისიის წევრი	
6	ჯემალ დავითაძე	კომისიის წევრი	_____
7	შორენა კარანაძე	კომისიის წევრი	_____
8	მინდია არძენაძე	კომისიის წევრი	_____

სხდომის თავმჯდომარემ დღის წესრიგი ჩამოაყალიბა შემდეგი სახით.

დღის წესრიგი:

1. ქედის მუნიციპალიტეტის საკრებულოს სოციალურ საკითხთა კომისიის 2023 წელს გაწეული მუშაობის შესახებ ანგარიში.

მომხსენებელი: საკრებულოს სოციალურ საკითხთა კომისიის თავმჯდომარე ოთარ ხარაძე

2. ქედის მუნიციპალიტეტის საკრებულოს სოციალურ საკითხთა კომისიის 2024 წლის მესამე კვარტლის სამუშაო გეგმა.

მომხსენებელი: საკრებულოს სოციალურ საკითხთა კომისიის თავმჯდომარე-ოთარ ხარაძე

მოისმინეს: სხდომის თავმჯდომარემ განმარტა, რომ „ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 03 მაისის N6 დადგენილებით საკრებულოს კომისია ანგარიშვალდებულია წელიწადში ერთხელ საკრებულოს წარუდგინოს ანგარიში გაწეული საქმიანობის შესახებ.

ქედის მუნიციპალიტეტის საკრებულოს სოციალურ საკითხთა კომისია წარმოადგენს მუდმივმოქმედ ორგანოს, რომელიც უზრუნველყოფს ადგილობრივი თვითმმართველობის კოდექსით, საკრებულოს რეგლამენტით და კომისიის დებულებით განსაზღვრულ უფლებამოსილებათა განხორციელებას.

კომისია შექმნილია საკრებულოში საკითხების წინასწარი მომზადებისა და გადაწყვეტილებათა შესრულების ხელშეწყობის მიზნით. კომისია შედგება საკრებულოს 8 წევრისაგან.

კომისია საანგარიშო პერიოდში მუშაობას წარმართავს სამუშაო გეგმის მიხედვით, ასევე, განიხილავს საკრებულოში შემოსულ რიგგარეშე საკითხებს.

საანგარიშო პერიოდში კომისიამ ჩაატარა 5 კომისიის სხდომა, სადაც განიხილული იქნა საკითხები, რომელთან დაკავშირებით კომისიამ საკრებულოს ბიუროსა და საკრებულოს სხდომებზე წარადგინა დასკვნები.

1. ქედის მუნიციპალიტეტის სოფელ ზვარეში მდებარე არასასოფლო დანიშნულების მიწის ნაკვეთისათვის წმინდა დიაკონი სევერიანეს სახელობის სკვერის სახელის მინიჭების შესახებ განკარგულების პროექტი.

აღნიშნული საკითხი კომისიის მიერ იქნა შესწავლილი, ჩატარდა გასვლითი სხდომა, მოსახლეობასთან საჯარო შეხვედრა და კომისიამ წარადგინა დასკვნა: „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1-ლი ივნისის №239 დადგენილება არეგულირებს მუნიციპალიტეტების ადმინისტრაციულ საზღვრებში მდებარე გეოგრაფიული ობიექტების სახელდების პირობებსა და პროცედურებს.

„მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1-ლი ივნისის №239 დადგენილების მე-7 მუხლის მე-7 პუნქტის შესაბამისად, ქედის მუნიციპალიტეტის საკრებულოს სოციალურ საკითხთა კომისიამ მიზანშეწონილად მიიჩნია ქედის მუნიციპალიტეტის სოფელ ზვარეში მდებარე არასასოფლო დანიშნულების მიწის ნაკვეთისთვის (საკადასტრო კოდი: 21.06.31.217) „წმიდა დიაკონი სევერიანეს სახელობის სკვერი“-ს სახელის მინიჭება. შემდეგ საკითხი გაივლის ყველა სამართლებრივ პროცედურას და საბოლოო გადაწყვეტილება მიღებული იქნება საკრებულოს მიერ.

2. ფრიდონ ხალვაშის სახელობის ქედის ცენტრალურ პარკში ფრიდონ ხალვაშის ბიუსტის განთავსების შესახებ ქედის ხანდაზმულთა კლუბის „ღირსეული სიბერეს“-ს თავმჯდომარის წინადადება.

ქედის ხანდაზმულთა კლუბის „ღირსეული სიბერეს“-ს თავმჯდომარის რეზო ბერიძის მიერ ქედის მუნიციპალიტეტის საკრებულოში წარმოდგენილი დოკუმენტაციის შესწავლის შედეგად კომისიამ დაადგინა, რომ ბიუსტის განთავსება უნდა განხორციელდეს ქედის მუნიციპალიტეტის ბიუჯეტის სახსრებით.

„ქედის მუნიციპალიტეტის ტერიტორიაზე მონუმენტური სახვითი ხელოვნების ძეგლის (ქანდაკების), ობელისკის, მემორიალური დაფისა და სხვა მემორიალური ობიექტის განთავსების წესის დამტკიცების შესახებ“ ქედის მუნიციპალიტეტის საკრებულოს 2020 წლის 6 ნოემბერის №25 დადგენილების მე-3 მუხლის მე-3 პუნქტის შესაბამისად, კომისიამ მიზანშეწონილად მიიჩნია საკითხი დადგენილი წესით განსახილველად გაგზავნოდა საკრებულოს საფინანსო-საბიუჯეტო კომისიას და ქედის მუნიციპალიტეტის მერს, რომლებიც ვალდებული იყვნენ საკითხის გადაცემიდან 10 კალენდარული დღის ვადაში წარმოედგინათ დასკვნა ქანდაკების პროექტის ქედის მუნიციპალიტეტის ბიუჯეტიდან დაფინანსების შესაძლებლობისა და მიზანშეწონილობის თაობაზე, ხოლო დასკვნები დადგენილი წესით გადმოცემოდა საკრებულოს სოციალურ საკითხთა კომისიას.

3. სოციალურად დაუცველი ოჯახების რეგისტრაციისა და რაოდენობის თაობაზე სსიპ სოციალური მომსახურების სააგენტოს ქედის სერვის ცენტრის ინფორმაციის მოსმენა.

მუნიციპალიტეტში არსებული სოციალური მდგომარეობის შესწავლის მიზნით, ქედის მუნიციპალიტეტის საკრებულოს სოციალურ საკითხთა კომისიამ სსიპ სოციალური მომსახურების სააგენტოს ქედის სერვისცენტრიდან გამოითხოვა ინფორმაცია ქედის მუნიციპალიტეტში სოციალურად დაუცველი ოჯახების მონაცემთა ერთიან ბაზის შესახებ.

კომისიამ მიზანშეწონილად მიიჩნია სსიპ სოციალური მომსახურების სააგენტოს ქედის სერვისცენტრის ინფორმაცია სოციალურად დაუცველი ოჯახების რეგისტრაციისა და რაოდენობის თაობაზე განხილულიყო საკრებულოს მორიგ სხდომაზე.

4. მაღალი სპორტული შედეგების მქონე სპორტსმენების და მათი მწვრთნელების წახალისების მიზნით ფულადი ჯილდოს დაწესებისა და გაცემის წესის დამტკიცების შესახებ განკარგულების პროექტი.

ინდივიდუალური აქტის მიღების მიზეზი იყო ახალი რეგულაციის შემოღება კერძოდ: სპორტის სფეროში მოასპარეზე წარმატებული სპორტსმენების, მწვრთნელებისა და გუნდების წახალისების მიზნით ფულადი ჯილდოს დაწესება, მისი გაცემის წესის დამტკიცება და ფულადი ჯილდოს ოდენობები განისაზღვრა საპრიზო ადგილების მიხედვით. წესი ვრცელდება საქართველოს ან/და ქედის მუნიციპალიტეტის სახელით მოასპარეზე, ქედის მუნიციპალიტეტის მიერ დაფუძნებულ სპორტული წრეებში აღზრდილ და ქედის მუნიციპალიტეტის ტერიტორიაზე რეგისტრირებულ წარმატებულ სპორტსმენებსა და მწვრთნელებზე.

კომისიას განკარგულების პროექტზე შენიშვნები არ გააჩნდა და მიზანშეწონილად მიიჩნია „მაღალი სპორტული შედეგების მქონე სპორტსმენების და მათი მწვრთნელების წახალისების მიზნით ფულადი ჯილდოს დაწესებისა და გაცემის წესის დამტკიცების შესახებ“ ქედის მუნიციპალიტეტის საკრებულოს ადმინისტრაციული-სამართლებრივი აქტის (განკარგულება) პროექტი განხილულიყო საკრებულოს მორიგ სხდომაზე.

5. ქედის მუნიციპალიტეტის 2024 წლის ადგილობრივი ბიუჯეტის დამტკიცების შესახებ დადგენილების პროექტი.

კომისიის მიერ ქედის მუნიციპალიტეტის მერიის ჯანმრთელობისა და სოციალური დაცვის სამსახურთან ერთად განხილულ იქნა სოციალური პაკეტი და მერიაში გაიგზავნა 2024 წლის ადგილობრივი ბიუჯეტის პროექტში ჯანმრთელობის დაცვისა და სოციალური უზრუნველყოფის პროგრამების ქვეპროგრამებში გასათვალისწინებელი შემდეგი წინადადებები:

1. ოპერაციული მკურნალობის თანდაფინანსების ქვეპროგრამით (კლასიფიკაციის კოდი: 06 01 04) გათვალისწინებული პირობები შეიცვალოს და ჩამოყალიბდეს შემდეგი სახით: ოჯახებს, რომელთა სარეიტინგო ქულა არ აღემატება 100 000-ს, გაეწიოს დახმარება დარჩენილი თანხის 100% და 200 000 სარეიტინგო ქულის მქონე ოჯახებს 80%-ით, არაუმეტეს 1000 ლარის ოდენობით.

2. მოვლის საჭიროების მქონე პირთათვის ფინანსური დახმარების ქვეპროგრამით (კლასიფიკაციის კოდი: 06 02 10) გათვალისწინებული დახმარების თანხა გაიზარდოს 50 ლარით და განისაზღვროს შემდეგი სახით: 0-დან 18 წლამდე ასაკის შშმ პირების დახმარება თვეში 150 ლარის ოდენობით, ხოლო 18 წლის ზემოთ ასაკის ბენეფიციარების შემთხვევაში, მუდმივად ეტლით მოსარგებლე, ასევე მუდმივად მწოლიარე, თვეში 250 ლარის ოდენობით. წარმოდგენილი წინადადების გათვალისწინების შემთხვევაში ქვეპროგრამის ბიუჯეტი გაიზარდება 66000 ლარით და შეადგენს 246000 ლარს.

3. მოწყვლადი სოციალური ჯგუფების ბენეფიციართა მედიკამენტებით უზრუნველყოფის ქვეპროგრამით (კლასიფიკაციის კოდი: 06 01 05) გაფართოვდეს და დახმარების მიმღებ ბენეფიციარებად განისაზღვროს ოჯახები, რომელთა სარეიტინგო ქულაც 120 000-ს არ აღემატება. სოციალური სააგენტოს მონაცემებზე დაყრდნობით იმ ბენეფიციართა რაოდენობა, რომელთა სარეიტინგო ქულებიც 100 000-დან 120 000-ს შეადგენს, არის 90 (±10) ოჯახი, შესაბამისად, ქვეპროგრამის ბიუჯეტი გაიზარდება 20 000 ლარით.

კომისია აქტიურად თანამშრომლობს მუნიციპალიტეტის მერიასთან და შესაბამის სამსახურებთან.

საანგარიშო პერიოდში განხილულ იქნა სხვადასხვა შინაარსის განცხადება, რომელიც გადაეგზავნა მუნიციპალიტეტის მერიას და მიღებული გადაწყვეტილებების შესახებ ეცნობა განმცხადებელს.

ქედის მუნიციპალიტეტის საკრებულოს სოციალურ საკითხთა კომისია განაგრძობს მუშაობას კანონმდებლობით დადგენილი წესის შესაბამისად. კომისია აქტიურობით და ეფექტური მიდგომებით მომავალშიც განახორციელებს დაკისრებული ვალდებულებების შესრულებას.

კომისიის წევრებს შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 5

წინააღმდეგი: 0

კომისიამ გადაწყვიტა:

ქედის მუნიციპალიტეტის საკრებულოს სოციალურ საკითხთა კომისიის 2023 წელში გაწეული მუშაობის შესახებ ანგარიში განხილული იქნას საკრებულოს მორიგ სხდომაზე.

მოისმინეს: კომისიის თავმჯდომარემ კომისიის წევრებს წარუდგინა ქედის მუნიციპალიტეტის საკრებულოს სოციალურ საკითხთა კომისიის მესამე კვარტლის სამუშაო გეგმა შემდეგი სახით:

	განსახილველი საკითხები და გასატარებელი ღონისძიებები	განხილვის თარიღი	საკითხის განხილვა კომისიის სხდომაზე	საკითხის განხილვა საკრებულოს სხდომაზე	პასუხისმგებელი პირი საკითხის მომზადებაზე
1	შპს „ქედის ტურიზმის განვითარებისა და ხელშეწყობის ცენტრ“-ში 2023 წელს გაწეული მუშაობის შესახებ ინფორმაციის მოსმენა - განხილვა	ივლისი	კომისიის სხდომაზე	საკრებულოს სხდომაზე	შ.პ.ს. „ქედის ტურიზმის განვითარებისა და ხელშეწყობის ცენტრი“-ს დირექტორი

2	სხვადასხვა კულტურულ და სპორტულ ღონისძიებებში აქტიური მონაწილეობის მიღება	აგვისტო	კომისიის სხდომაზე	საკრებულოს სხდომაზე	კომისიის თავმჯდომარე
3	ქედის მუნიციპალიტეტის აღმასრულებელი ხელისუფლების ორგანოსაგან ინიცირებული საკითხების განხილვა და შესაბამისი დასკვნების მომზადება	პერიოდულად	კომისიის სხდომაზე	საკრებულოს სხდომაზე	კომისიის თავმჯდომარე
4	ქედის მუნიციპალიტეტის საკრებულოს სოციალურ საკითხთა კომისიის 2024 წლის მეოთხე კვარტალის სამუშაო გეგმა	სექტემბერი	კომისიის სხდომაზე	საკრებულოს ბიუროს სხდომაზე	კომისიის თავმჯდომარე

კომისიის წევრებს შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 5

წინააღმდეგი: 0

კომისიამ გადაწყვიტა:

საკრებულოს ბიუროს მიერ დამტკიცებული იქნას ქედის მუნიციპალიტეტის საკრებულოს სოციალურ საკითხთა კომისიის 2024 წლის მესამე კვარტლის სამუშაო გეგმა.

კომისიის თავმჯდომარემ სხდომა 17:00 საათზე დახურულად გამოაცხადა.

სხდომის თავმჯდომარე



[Handwritten signature]

ოთარ ხარაძე

ოქმი შეადგინა:

საკრებულოს აპარატის პირველი კატეგორიის უფროსი სპეციალისტი კომისიებთან ურთიერთობის საკითხებში

[Handwritten signature]

ნანა ბერიძე